

世紀追遠

郭崇韜不拜汾陽之墓狄青不崇梁公之像君子嘉之謂其能不攀通顯以自誣其祖見識為有真也庭堅公為宋直龍圖閣翰林院大學士兼兵禮二部尚書諡文節而吾族宗之蓋清乾隆丙子墨諱序稱我祖仕旻仕海二公來自江西為山谷公後又清乾隆戊午朔祠魚鱗山壬子改建於今象形山之觜歷奉庭堅公主祀之壬子建祠碑文述我祖之由來亦上溯山谷公夫附會穿鑿多出於文人學士之手我祖稼穡開基世安其業人敦渾樸其稱述必無妄所謂禮失而求諸野農夫野老者流猶有能道其詳者也茲特詳分寧世系一篇由一世下逮九世歷歷紀之或不蹈數典忘祖之譏也作世紀追遠

玘 浩次子生唐僖宗乾府戊娶任氏子一瞻見舊譜號畔溪唐季思避兵難乃攜持書室來分寧見南陽公注與侍御公昭書本婺州金華人江南李氏時子瞻奉二親居分寧因葬焉見文節公庭堅給事行狀案南陽公以畔溪公為分寧始祖當得其實文節公給事行狀和叔墓碣皆以著作公瞻為始祖故國史文節公傳因之 案舊譜指江西瀘溪十一修之譜

瞻 玘之子娶劉氏子元績元吉見舊譜以策干江南李氏授著作郎知分寧縣遂將家居焉葬於白上見文節公和叔墓碣

元吉 瞻次子娶劉氏子四中華中雅中畢見舊譜買國聚書始宅於修溪之上葬馬鞍山見文節公和叔墓碣

中理 元吉長子贈光祿卿娶何氏子茂宗茂先湜淳渙見舊譜并文節公和叔墓碣

浸 中理之子行三見舊譜宋仁宗嘉祐丁酉章衡榜進士見江西通志贈朝散大夫見文節公國史本傳娶劉氏對桃源縣太君見文節公桃源太君忌日齊僧疏繼徐氏封蓬萊縣太君見文節公給事行狀庶娶李氏卒年八十有六生子某見文節公叔母章夫人墓志子五庶仲廉襄某見伐檀集諸孫瑩跋并文節公宋史本傳文節公和王世弼寄上七兄詩母章夫人墓志女嫁太常少卿雅州張閭封長壽縣君見文節公張子履墓志

庶 湜長子字亞夫宋仁宗慶歷壬午楊寔榜進士見江西通志終大理寺丞知康州見文節公贈送張叔和詩注并文節公年譜嘉祐戊戌於康州見文節公非熊墓銘歸葬臺平祖域之內見文節公年譜贈朝請大夫見文節公皇朝請忌辰疏著有伐檀集二卷見四庫全書總目娶李氏建昌人特進李東之女益州帥李常知宣州李萃太和合李中盛之女兄弟見文節公書十棕心扇自評并謝答聞善九絕句詩注知命次韻外祖李光祖詩自注送舅氏野夫知宣城詩注癸亥立春煮茗石池寺詩注封壽康縣太君晉安康郡太君元祐六年辛未六

月十八日卒於東都七年壬戌正月喪歸八年癸亥二月戊申祔葬臺平祖域康州君之兆見文節公集目錄年譜子大臨庭堅叔獻叔達仲熊見文節公集女五長為義適朝奉大夫開封府推官安陸李通儒之子李惇見文節公致仕李府君墓銘次石州司戶參軍南康洪民師年二十有五卒於熙寧庚戌生子四朋芻炎羽見文節公毀壁序次適王純亮見文節公呻吟齋睡起呈王世弼詩注次適太子中允致仕眉州青衣陳庸之子進士陳塑年三十三卒附葬淮安先祖墓次生子騫見文節公太子中允致仕陳君墓志并黃氏夫人墓銘季適洛中張塤見文節公贈送張叔和塤詩注案文節公非熊墓銘家貧嫁四女弟蓋嫁李惇者乃公女兄也見李府君墓銘又文節公贈送張叔和塤詩注稱山谷父四女誤又案文節公題徐氏書院詩注徐禧字德占洪州分寧人娶山谷從妹元豐五年以直龍圖閣節制西師城永樂夏人來攻城陷死附著於此

庭堅庶次子行九字魯直自號山谷老人宋仕宗慶歷乙酉六月十二日生於分寧縣修水故居英宗治平丁未登張唐卿榜進士調葉縣尉終知太平州徽宗崇寧乙酉九月十三日卒於宜州貶所紹興初贈直龍圖閣官子孫一人見年譜恭宗德祐乙亥予諡文節見太常博士陳緯諡考功郎趙景偉諡議大觀三年十一月歸葬雙井祖塋之西見宋史本傳著有

山谷內集三十卷甥洪炎編外集十四卷李彤編別集二十卷諸孫螢編詞一卷簡尺二卷年譜三卷諸孫螢編見四庫全書總目初娶孫氏對蘭谿縣君卒年二十後娶謝氏封介休縣君生一女曰睦卒年二十六皆附葬安康郡太君之墓見公撰黃氏二室墓志庶娶某氏生子相見文節公嘲小德詩注女睦年三十三嫁將仕郎舒城李文伯見文節公與大主簿三十三書注并國史本傳 瑞靈臺黃氏譜元祐中進士初授大名府國子教授國留守太師授秘臺員外郎直筆同修國史官至朝奉朗集賢校理贈龍圖閣翰林院大學士兼兵禮二部尚書子一相

相庭堅子字瞭然小名小德行四十見文節年譜并寄裴仲謨詩注神宗元豐七年甲子生見文節公銅官縣望五松山集句詩注娶石氏眉州人江安宰石諒之女見文節公目錄年譜子七燧見文節公與濟川姪貼注默然醺照樵烈見舊譜女三人見文節公與李端叔書一嫁楊氏見文節公回楊氏定書 九峯譜字小德號淡夫宋元豐甲子七月十三日辰時生隆興二年甲申二月初三日亥時歿紹興初朝廷以其父名在黨籍命復其遺澤太時生誥贈宜人紹興丁卯八月十四日巳時終夫婦合葬以雙井大臺黃氏譜子六黔然醺焉無羔

熙相次子任宣尉字少攸居修口娶任氏生子六朝宣朝昌朝汶朝政朝啟朝顯見九